

ხელშეკრულება № 188  
სახელმწიფო შესყიდვის შესახებ

შესყიდვის განხორციელების მიზნით, სახელმწიფო შესყიდვების შესახებ საქართველოს კანონის მე-10<sup>1</sup> მუხლის მესამე პუნქტის პუნქტის „დ“ ქვეპუნქტის თანახმად და 2011 წლის 8 დეკემბრის №2359 საქართველოს მთავრობის განკარგულების შესაბამისად (CPV 45400000 ; 45451300)

წინამდებარე ხელშეკრულება დადებულია 25. 09 2012 წ. თბილისი

ერთის მხრივ, სახელმწიფო აუდიტის სამსახურსა, წარმოდგენილი მისი გენერალური აუდიტორის მოადგილის გიორგი ლავაბიძის სახით (შემდგომში შემსყიდველი)

მისამართი: ქ. თბილისი, წმინდა ქეთევან დედოფლის (ყოფილი წამებულის) გამზირი №96

საიდენტიფიკაციო კოდი: 202051956

სახელმწიფო საბაზინო კოდი: 220101222 ა/ა 200122900

მეორე მხრივ, შპს „მენო ინტერნეიშენალი“ წარმოდგენილი მისი დირექტორის გიორგი კურცხალიას სახით (შემდგომში მიმწოდებელი),

მისამართი: თბილისი ქინძმარაულის 15

საიდენტიფიკაციო კოდი: 208213084

საბანკო რეკვიზიტები: სს „საქართველოს ბანკი“ ბ/კ BAGAGE22; ა/ა 183105300

შორის

**მუხლი 1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“)- შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე, მოელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „სამუშაო“ - ხელშეკრულების მე-2 მუხლით განსაზღვრული ხელშეკრულების საგანი.
- 1.7. „მოწვეული ექსპერტი“ - სსიპ ლევან სამხარაულის სახელობის სასამართლო ექსპერტიზის ეროვნული ბიურო.

## **მუხლი 2. ხელშეკრულების საგანი**

ქ. ქუთაისში სახელმწიფო აუდიტის სამსახურის ცენტრალური ადმინისტრაციული შენობის და ეზოს სარემონტო-სარეკონსტრუქციო სამუშაოები, პროექტისა და თანდართული ხარჯთაღრიცხვის შესაბამისად.

## **მუხლი 3. ხელშეკრულების ღირებულება**

- 3.1. ხელშეკრულების ჯამური ღირებულება შეადგენს: 1 500.000 (ერთი მილიონ ხუთასიათასი) ლარს, დღგ-ს ჩათვლით.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

## **მუხლი 4. სამუშაოს შესრულების ვადები და ადგილი**

მიმწოდებელი ვალდებულია უზრუნველყოს სამუშაოს დასრულება ხელშეკრულების დადებიდან 2012 წლის -- 30 ნოემბრის ჩათვლით.

## **მუხლი 5. შესასრულებელი სამუშაოების ხარისხი და გარანტია**

- 5.1. მიმწოდებლის მიერ შესასრულებელი სამშენებლო სამუშაოების ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს და სტანდარტებს.
- 5.2. შესრულებული სამუშაოს საგარანტიო ვადა შეადგენს 1 (ერთი) წელს საბოლოო მიღება-ჩაბარების აქტის შედგენიდან.
- 5.3. ამ მუხლის 5.2. პუნქტით განსაზღვრული საგარანტიო ვადის განმავლობაში მიმწოდებელი ვალდებულია გამოასწოროს შესრულებულ სამუშაოებში მისი მიზეზით გამოწვეული დეფექტები. შემსყიდველის (წარმომადგენლები, მოწვეული ექსპერტი) მიერ შესრულებულ სამუშაოებში წუნის გამოვლენის შემთხვევაში, წერილობითი ფორმით ეცნობება მიმწოდებელს. შემსყიდველი და მიმწოდებელი ერთობლივად შეადგენენ შესაბამის დეფექტურ აქტს და განსაზღვრავენ გონივრულ ვადას დეფექტების აღმოსაფხვრელად. იმ შემთხვევაში, თუ შემსყიდველი და მიმწოდებელი ვერ შეთანხმდნენ წუნდების ბრალეულობაზე ჩატარდება დამოუკიდებელი ექსპერტიზა.
- 5.4. მიმწოდებლის მიერ საგარანტიო პირობებით გათვალისწინებული ვალდებულების შესრულებლობის შემთხვევაში, შემსყიდველს უფლება აქვს თვითონ მიიღოს ზომები წარმომოხილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება, ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

## **მუხლი 6. ხელშეკრულების შესრულების კონტროლი**

- 6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 6.2. ხელშეკრულების 6.1 პუნქტით გათვალისწინებულ ინსპექტირებას შემსყიდველის მხრიდან განახორციელებს 2010 წლის 20 იანვრის №7/42 ბრძანებით განსაზღვრული ინსპექტირების ჯგუფი (წარმომადგენლები, მოწვეული ექსპერტი).
- 6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით შესრულებული სამუშაო, მხარეები შეადგენენ შესაბამის დეფექტურ აქტს და განსაზღვრავენ გონივრულ ვადას დეფექტების აღმოსაფხვრელად. მიმწოდებელი ვალდებულია ამ ვადებში გამოასწოროს წუნს, ან თუ მიმწოდებელი ვერ შეძლებს წუნის გამოსწორებას და შემსყიდველს გადახდელი აქვს ამ წუნდებული სამუშაოს ღირებულება, მიმწოდებელი ვალდებულია მოახდინოს

წუნდებული სამუშაოს ღირებულების დაბრუნება, შემსყიდველის შესაბამისი წარმომადგენელი (წარმომადგენლები; მოწვეული ექსპერტი) უნდა ფლობდნენ სათანადო კვალიფიკაციას, დადასტურებული შესაბამისი სერტიფიკატებით, რათა მოახდინონ მიმწოდებლის მიერ ჩატარებული სამუშაოების ინსპექტირება, სამუშაოების სპეციფიკის შესაბამისად.

### **მუხლი 7. სამუშაოს მიღება-ჩაბარების წესი**

- 7.1 შესრულებული სამუშაოს მიღება წარმოებს მიღება-ჩაბარების აქტის სახით. მიღება-ჩაბარების აქტი დგება წერილობითი ფორმით, მხარეთა უფლებამოსილი წარმომადგენლ(ებ)ის (შემსყიდველის მხრიდან მიღება-ჩაბარების აქტების გაფორმებაზე უფლებამოსილი პირს წარმოადგენს წინამდებარე ხელშეკრულების 6.2. მუხლში მითითებული პირ(ებ)ი) ხელის მოწერით, მიმწოდებლის მიერ წარმოდგენილი ფორმა #2-ისა და მოწვეული ექსპერტის დასკვნის საფუძველზე.
- 7.2 მიმწოდებელი 3 (სამი) დღით ადრე წერილობით შეატყობინებს შემსყიდველს სამუშაოს (სამუშაოს თითოეული ეტაპის) ჩაბარების შესაძლებლობის თაობაზე.
- 7.3 შემსყიდველი ვალდებულია მიიღოს სამუშაოები მიმწოდებლის მიერ მათი წარმოდგენიდან 15 დღის ვადაში ან წარუდგინოს საფუძვლიანი პრეტენზია მიმწოდებელს.

### **მუხლი 8. ანგარიშსწორება**

- 8.1. ანგარიშსწორება მიმწოდებელთან განხორციელდება სამუშაოს, ან მისი ნაწილის მიწოდების შემდეგ 20 (ოცი) სამუშაო დღის განმავლობაში, შესრულებული სამუშაოს და მიღება-ჩაბარების აქტის შედგენის, მიმწოდებლის მიერ საგადასახადო ანგარიშგაქტურის წარდგენის საფუძველზე.
- 8.2. ანგარიშსწორება განხორციელდება უნაღდო ანგარიშსწორების ფორმით.
- 8.3. ანგარიშსწორება განხორციელდება ეროვნულ ვალუტაში.
- 8.4. სახელმწიფო შესყიდვის დაფინანსების წყაროა: სახელმწიფო ბიუჯეტი.
- 8.5. წინასწარი ანგარიშსწორების შემთხვევაში, მიმწოდებელი ვალდებულია წარუდგინოს შემსყიდველს წინასწარ გადასახდელი თანხის ოდენობის გარანტია, რომელიც 30 დღით უნდა აღემატებოდეს სამუშაოს დასრულების ვადას.
- 8.6. სააენსო ანგარიშსწორების შემთხვევაში, მიმწოდებლის მიერ წარმოდგენილი საბანკო გარანტიის ფარგლებში, შესრულებული სამუშაოს შედეგად გადასახდელი თანხის პროპორციულად შემცირდება ავანსად გადახდილი თანხის ოდენობა.

### **მუხლი 9. ფასები**

- 9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში.
- 9.2. დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 9.3. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

### **მუხლი 10. მხარეთა უფლება-მოვალეობები**

- 10.1. მიმწოდებელი ვალდებულია:
  - ა) უზრუნველყოს წინამდებარე ხელშეკრულებით გათვალისწინებული სამუშაოების შესრულება სამშენებლო ნორმების და წესების დაცვით დანართი №1-ის (შემდგომში - "ხარჯთაღრიცხვა") მიხედვით, რომელიც წარმოადგენს ხელშეკრულების განუყოფელ ნაწილს;
  - ბ) წარუდგინოს შემსყიდველს სააენსო საბანკო გარანტია 1500.000 (ერთი მილიონ ხუთასიათასი) ლარის ოდენობით ხელშეკრულების ძალაში შესვლის დღიდან 5 (ხუთი) დღის განმავლობაში;
  - გ) უზრუნველყოს წინამდებარე ხელშეკრულებით გათვალისწინებული სამუშაოების შესრულება დანართი №2-ის (შემდგომში - "სამუშაოთა შესრულების გეგმა-გრაფიკი") შესაბამისად, რომელიც წარმოადგენს ამ ხელშეკრულების განუყოფელ ნაწილს;

- დ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- ე) წარუდგინოს შემსყიდველს სამუშაოთა შესრულების შესახებ ფორმა, რომელიც ასახავს შესრულებული სამუშაოს მოცულობასა და ღირებულებას (შემდგომში - „ფორმა №2“);
- ვ) სამუშაოების დაწყებიდან მის დასრულებამდე დაახლოვდეს ობიექტზე მომუშავე პერსონალის ტრავმა და სიცოცხლე;
- ზ) სამუშაოების წარმოების უზრუნველასყოფად, პროექტით გათვალისწინებულ ობიექტში, სამუშაოს დაწყებამდე აღრიცხულ იქნეს კომუნალური გადასახადების დამოუკიდებელ გადამხდელად (ელექტრონერგია, წყალმომარაგება, დასუფთავება და სხვა), შემსყიდველს წარმოუდგინოს აღნიშნულის დამადასტურებელი დოკუმენტი და უზრუნველყოს კომუნალური გადასახადების გადახდა (ელექტრონერგია, წყალმომარაგება, დასუფთავება და სხვა).
- თ) ხელი შეუწყოს შემსყიდველს ინსპექტირების განხორციელებისას;
- ი) განახორციელოს ამ ხელშეკრულებით მასზე დაკისრებული სხვა ვალდებულებები.

10.2. შემსყიდველი ვალდებულია:

- ა) უზრუნველყოს შესრულებული სამუშაოს ინსპექტირება;
- ბ) უზრუნველყოს მიმწოდებლისათვის შესრულებული სამუშაოს ღირებულების ანაზღაურება ამ ხელშეკრულებით გათვალისწინებული პირობების და ვადების შესაბამისად;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

**მუხლი 11. სამუშაოს განხორციელების პროცესში წარმოშობილი სხვა ურთიერთობანი**

- 11.1. შემსყიდველი უფლებამოსილია შეიტანოს ცვლილებები ხარჯთაღრიცხვაში ჩამოთვლილ სამუშაოთა აღწერილობაში.
- 11.2. იმ შემთხვევაში, თუ მიმწოდებელი შეასრულებს სამუშაოთა შესრულების გეგმა-გრაფიკით განსაზღვრული რომელიმე ეტაპით გათვალისწინებული სამუშაოს ღირებულებაზე მეტი ღირებულების სამუშაოს, შემსყიდველი ვალდებულია განახორციელოს შესრულებული სამუშაოს ღირებულების გადახდა ხელშეკრულებით განსაზღვრული პირობების შესაბამისად და მეტობით შესრულებული სამუშაოები ჩაუთვალოს მიმწოდებელს მომდევნო ეტაპით განსაზღვრულ შესასრულებელ სამუშაოებში.
- 11.3. სამუშაოების დაწყების და დასრულების ვადა განისაზღვრება დანართი №2-ით, შესაბამისად მხარეები სამუშაოების შესრულების ვადის გამოთვლისას იხელმძღვანელებენ ამ გრაფიკით.

**მუხლი 12. მხარეთა პასუხისმგებლობა ხელშეკრულების პირობების შეუსრულებლობისათვის**

- 12.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;
- 12.2. თუ ერთ-ერთი მხარე არ არსრულებს ან არაჯეროვნად ასრულებს ნაკისრ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულების პირობები;
- 12.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაზაუნისა და დამატებით განსაზღვრული ვადის უშუალოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება.
- 12.4. წინამდებრე ხელშეკრულების პირობების დარღვევის შემთხვევაში, მიმწოდებელი კისრულობს პასუხისმგებლობას: გადაუხადოს შემსყიდველს პირგასამტეხლო, მთლიანი სახელშეკრულებო თანხის 0.02% პროცენტის ოდენობით, ყოველ ვადაგადაცილებულ დღეზე.
- 12.5. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტამდე გადასახდელი პირგასამტეხლოს ანაზღაურება.
- 12.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან

### **მუხლი 13 გადასახადები და ბაზები**

მიმწოდებელი პასუხს აგებს სამუშაოს შესრულებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახადების გადახდაზე, რომლებიც გადასახდელია საქართველოს კანონმდებლობით, საქართველოს ფარგლებში.

### **მუხლი 14. ხელშეკრულების შესრულების გარანტია**

- 14.1. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.
- 14.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2%-იანი საბანკო გარანტიის მოქმედების ვადა უნდა აღემატებოდეს ხელშეკრულების მოქმედების ვადას 30 (ოცდაათი) დღით.
- 14.3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია მიმწოდებლის წერილობითი მოთხოვნის საფუძველზე უზრუნველყოს გარანტიის დაუყოვნებლივ დაბრუნება.

### **მუხლი 15. ფორს-მაჟორი**

- 15.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი.
- 15.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი, ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით.
- 15.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

### **მუხლი 16. ხელშეკრულების ძალაში შესვლა და მოქმედების ვადები**

ხელშეკრულება ძალაში შედის მისი ხელმოწერის დღიდან და მოქმედებს 2012 წლის 31 დეკემბრის ჩათვლით.

### **მუხლი 17. ხელშეკრულებაში ცვლილებების შეტანა**

- 17.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.
- 17.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

### **მუხლი 18. ხელშეკრულების შეწყვეტა**

- 18.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგინდეს სხვა შემთხვევებში, აღნიშნულის თაობაზე მეორე მხარეს უნდა ეცნობოს წერილობით 10 (ათი) დღით ადრე.
- 18.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 18.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

**მუხლი 19. დავათა განხილვის წესი**

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად, რომლის მიერ შემსყიდველის სასარგებლოდ მიღებული პირველი ინსტანციის სასამართლო გადაწყვეტილება აღსრულდება დაუყოვნებლივ.

**მუხლი 20. დამატებითი პირობები**

- 20.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 20.2. შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.
- 20.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 20.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად, რომელთაგან ერთი ეგზემპლარი გადაეცემა მიმწოდებელს, ხოლო ერთი ეგზემპლარი - რჩება შემსყიდველს.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

**მხარეთა რეკვიზიტები:**

შემსყიდველის მხრიდან:

მიმწოდებლის მხრიდან:

გიორგი ლაცაბიძე

გიორგი კურცხალია

გენერალური აუდიტორის მოადგილე

დირექტორი

ბ.ა.

ბ.ა.



ხელშეკრულების შესრულების საბანკო გარანტია #PE29787-12

თბილისი

28 სექტემბერი 2012 წელი

გარანტი: სს „საქართველოს ბანკი“ (შემდგომში „გარანტი“)  
გარანტის საიდენტიფიკაციო კოდი: 204378869  
გარანტის მისამართი: გაგარინის ქ. #29ა, თბილისი, 0160, საქართველო  
პრინციპალი: შპს მენო ინტერნიშნლ (შემდგომში „პრინციპალი“)  
პრინციპალის საიდენტიფიკაციო კოდი: 208213084  
პრინციპალის მისამართი: საქართველო, ქ. თბილისის იმნის რაიონში, ქიანძარაულის ქ.15  
ბენეფიციარი: სახელმწიფო აუდიტის სამსახური (შემდგომში „ბენეფიციარი“)  
ბენეფიციარის საიდენტიფიკაციო კოდი: 202051956  
ბენეფიციარის მისამართი: ქ. თბილისი, ქეთევან დედოფლის (ყოფილი წამებულის) გამზირი #96  
საგარანტო თანხა: 30,000.00 (ოცდაათი ათასი) ლარი

შხედვლობაში ვიღებთ რა, რომ პრინციპალმა ქ. ქეთვისის სახელმწიფო აუდიტის სამსახურის ცენტრალური ადმინისტრაციული შენობის და ეზოს სარემონტო-სარეკონსტრუქციო სამუშაოების პროექტსა და თანდართული ხარჯთაღრიცხვის მიზნით იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით სავსებით თანხაზე, არაუმეტეს ჯამში 30,000.00 (ოცდაათი ათასი) ლარი და ვკისრულობთ ზემოთ აღნიშნული თანხის გადახდას პრინციპალის მიერ ხელშეკრულების პირობების დარღვევის საფუძველზე თქვენი პირველივე წერილობითი მოთხოვნისთანავე.

მოთხოვნა საგარანტო თანხის ანაზღაურებაზე ბენეფიციარის მიერ წარმოდგენილი უნდა იქნეს სათანადოდ ხელმოწერილი და ბეჭდით დადასტურებული წერილობითი ფორმით, სადაც მითითებულ იქნება მოთხოვნილი თანხა ციფრობრივად და სიტყვიერად და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულებაში, რა პირობები იქნა დარღვეული პრინციპალის მხრიდან. მოთხოვნას თან უნდა ერთვოდეს მოთხოვნაზე ხელმოწერი პირის უფლებამოსილების დამადასტურებელი დოკუმენტი და საბანკო გარანტიის ახლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 31 იანვარი 2013 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, საბანკო გარანტიაზე მოთხოვნა ან პრეტენზია წარმოდგენილ უნდა იქნეს საბანკო გარანტიის ვადის გასვლამდე სს „საქართველოს ბანკი“-ს (ს/კ 204378869) კანცელარიის სამსახურში, ვაჭრობის ფინანსირების დეპარტამენტის საჯურადღებოდ, შემდეგ მისამართზე: სათაო ოფისი, გაგარინის ქ. #29ა, თბილისი, 0160, საქართველო.

საბანკო გარანტია ავტომატურად უქმდება

- საბანკო გარანტიის ვადის გასვლით.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და საბანკო გარანტიის ორიგინალის გარანტისათვის დაბრუნებისას.

წინამდებარე საბანკო გარანტია რეგულირდება საქართველოს კანონმდებლობით.

ეთერ ჩხეიძე

გარანტიების სამსახურის უფროსი

